



Broj: 07-07-745-09/05
Mostar, 08.11. 2005. godine

Na osnovu člana 14. stav 1 Statuta Regulatorne komisije za električnu energiju u Federaciji Bosne i Hercegovine („Službene novine FBiH“ br. 13/04) i članova 31. i 62. Poslovnika o radu Regulatorne komisije za električnu energiju u Federaciji Bosne i Hercegovine („Službene novine FBiH“ br. 59/04), te članova 50. stav 2, 59. i 73. Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine („Službene novine FBiH“ br. 37/05), te Odluke o provođenju prvog tarifnog postupka broj 07-07-745-07/05 od 08.11.2005. godine, Regulatorna komisija za električnu energiju u Federaciji Bosne i Hercegovine – FERK je, na XVI redovnoj sjednici održanoj u Mostaru dana 08.11.2005. godine, donijela

O D L U K U
o imenovanju voditelja postupka
u prvom tarifnom postupku

Član 1.

Imenuje se Slavica Stojčić, za Voditelja postupka formalnih rasprava u prvom tarifnom postupku pokrenutom po zahtjevu za odobrenje kratkoročnih marginalnih troškova energije br. 07-02-600/12/05 od 12.09.2005. godine, zahtjevu za odobrenje tarifa za djelatnost proizvodnje električne energije br. 07-02-647/18/05 od 01.10.2005. godine, zahtjevu za odobrenje tarifa za djelatnost distribucije električne energije br. 07-02-647/19/05 od 01.10.2005. godine, te zahtjevu za odobrenje tarifa za djelatnost snabdijevanja električnom energijom br. 07-02-647/20/05 od 01.10.2005. godine podnosioca zahtjeva J.P. „Elektroprivreda Bosne i Hercegovine“ d.d. Sarajevo.

Član 2.

Imenovani voditelj postupka ima sve ovlaštenja i obaveze utvrđene u članu 59. i članu 73. Pravilnika o javnim raspravama i rješavanju zahtjeva i žalbi FERK-a.

Član 3.

Određuje se zaposlenik FERK-a Sanela Pokrajčić, Rukovodilac Sektora za tarife i tržište za pripremanje konačnog pisanog izvještaja, a u skladu s članom 73. Pravilnika o javnim raspravama i rješavanju zahtjeva i žalbi FERK-a.

Član 4.

Voditelj postupka iz člana 1. i zaposlenik FERK-a iz člana 3. ove odluke će konačni pisani izvještaj i komentare strana u postupku na izvještaj dostaviti FERK-u prema planu aktivnosti o sprovođenju postupaka formalnih rasprava, vodeći računa o



rokovima za donošenje konačnih odluka o određivanju tarifa u prvom tarifnom postupku.

Član 5.

Ova odluka stupa na snagu danom donošenja i objavljuje se na oglasnoj tabli i web stranici FERK-a.

O b r a z l o Ź e n j e

Odlukom o provođenju prvog tarifnog postupka br. 07-07-745-07/05 od 08.11.2005. godine određeno je mjesto i vrijeme održavanja formalnih rasprava u prvom tarifnom postupku po zahtjevima J.P. „Elektroprivreda Bosne i Hercegovine“ d.d. Sarajevo.

Članom 62. Poslovnika o radu FERK-a određeno je da FERK može delegirati svoja ovlaštenja jednom članu FERK-a ili osobi zaposlenoj u FERK-u da bude voditelj postupka u bilo kojem postupku FERK-a kako bi se osiguralo funkcionisanje FERK-a. Istim članom predviđeno je i davanje pisanog izvještaja, o toku cjelokupnog postupka, a može osigurati i usmeni izvještaj FERK-u na internim sastancima ili sjednicama.

Članom 50. stav 2. Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine određeno je da FERK imenuje voditelja postupka formalne rasprave koji ima sve ovlaštenja i obaveze utvrđene Poslovníkom, ovim pravilnikom i drugim pravilima FERK-a.

Član 59. istog Pravilnika propisuje posebna ovlaštenja i obaveze voditelja postupka, a u skladu sa članom 73. stav 1 po završetku formalne rasprave, voditelj postupka i drugi zaposlenik kojeg odredi FERK, priprema konačni pisani izvještaj koji uključuje utvrđene činjenice, dokaze kojima se potvrđuju te činjenice, zakonske odredbe, troškove postupka, te preporuku rješenja i dostavlja izvještaj FERK-u i stranama u postupku.

Na osnovu gore navedenog odlučeno je kao u dispozitivu.

PREDSJEDNIK FERK-a
Risto Mandrapa, dipl.ing.maš., s.r.